



DARUL QURAN SINGAPURA

**STACKABLE
SPECIALIST DIPLOMA IN QURAN
TEACHING (SDQT)**

PROSPEKTUS

ISI KANDUNGAN

Pengenalan.....	1
Kumpulan Sasaran.....	1
Syarat Kemasukan Stackable SDQT.....	2
Matlamat Program.....	2
Hasilan Ketara Pembelajaran (<i>Desired Outcome</i>)	2
Modul Pengajian Stackable SDQT.....	4
Sinopsis Modul Pengajian Stackable SDQT.....	5
Masa Pembelajaran (<i>Study Load</i>) Satu Modul Pengajian.....	14
Kategori Kemahiran Dalam Pembelajaran.....	15
Yuran Program.....	16
Jadual Pengajian.....	17
Penganugerahan Sijil.....	21
Syarat Penganugerahan Sijil.....	21

PENGENALAN

Program *Stackable Specialist Diploma in Quran Teaching* merupakan suatu cabang dari program *Specialist Diploma in Quran Teaching (SDQT)* yang bertujuan untuk memberikan ruangan pengajian yang lebih santai kepada peserta khususnya mereka yang telah mengikuti pengajian diploma dalam bidang al-Quran. Program *Stackable* ini berperanan sebagai kursus ulang kaji bagi memantapkan lagi kemahiran khususnya para guru AI – Quran serta mengukuhkan lagi ilmu-ilmu dasar yang berkaitan dengan al-Quran. Program ini terarah kepada memberikan pemberatan (*weightage*) kepada kedua-dua aspek '*Ilmi* (Teori) dan juga '*Amali* (Aplikasi). Dengan mengambil pendekatan yang berteraskan kemahiran (*skill-based*), program ini diharap dapat mempersiapkan peserta secara seimbang dalam dunia pengajaran dan pembelajaran al-Quran.

KUMPULAN SASARAN

Program *Stackable Specialist Diploma in Quran Teaching* terbuka kepada peserta yang pernah mengikuti pengajian diploma dalam bidang AI-Quran atau yang setaraf dengannya, dan ingin mengulangkaji dan mengukuhkan lagi kefahaman dalam ilmu – ilmu al-Quran. Program ini bukan untuk pengiktirafan ARS.

SYARAT KEMASUKAN SDQT

Peserta perlu:


- Berumur tidak kurang dari 17 tahun pada masa pendaftaran.
- Mempunyai transkrip atau Sijil pengajian Al-quran/ tajwid / Islam peringkat Diploma dari mana – mana institusi yang berdaftar .
- Berkebolehan membaca al-Quran.
- Peserta yang tidak mempunyai syarat-syarat di atas perlu mengikuti SCQT terlebih dahulu sebelum mengambil SDQT.
- Mempunyai kemahiran menulis dan bertutur dalam bahasa Melayu yang membolehkan dia terlibat secara berkesan dalam program ini.

MATLAMAT PROGRAM

Program ini bermatlamat untuk membangunkan peserta dengan:

- Memantapkan kemahiran individu dalam pembelajaran al-Quran.
- Menawarkan program pendidikan berterusan yang bersesuaian dengan konteks dan keperluan semasa.

HASILAN KETARA PEMBELAJARAN (*DESIRED OUTCOME*)



MODUL PENGAJIAN STACKABLE SPECIALIST DIPLOMA IN QURAN TEACHING (SDQT)

No.	Kod Modul	Tajuk Modul	Jam Kredit	Minggu Pertemuan
1	AR201	Perumpamaan dalam Al-Quran	4	9
2	AR202	Bahasa Arab Lanjutan	5	9
3	KP201	Pembelajaran dan Pengajaran Al-Quran Efektif 1	5	8
4	KP202	Pembelajaran dan Pengajaran Al-Quran Efektif 2	5	8
5	KP203	Metodologi Penulisan Ilmiah	4	7
6	KS201	Al-Quran dalam Era Semasa	5	9
7	KS202	Ilmu Qiraat 1	4	8
8	KS203	Ilmu Qiraat 2	4	8
9	KS204	Rasm Al-Quran	4	9
10	KS205	Dabt Al-Quran	4	8
11	PQ201	Metodologi Tafsir al-Quran	5	9
12	PQ202	Ulum Al-Quran Lanjutan	5	9
13	PQ203	I'jaz Al-Quran	4	9
14	TF201	Akhlak dalam Al-Quran	4	9
15	TF202	Pendekatan Tafsir Maudui	4	9
16	TF203	Tafsir Ayat Ahkam	4	9
17	TR201	Kemahiran Al-Quran	5	9
18	TR202	Pengenalan Ilmu Tarannum	3	7
19	TT201	Talaqqi Musyafahah 1 (Juz 29, 28, himpunan ayat gharibah 1)	5	5
20	TT202	Talaqqi Musyafahah 2 (Juz 27, 26, himpunan ayat gharibah 2)	5	5
21	TT203	Hafazan Al-Quran 1 (Juz 29) – Online	4	17
22	TT204	Hafazan Al-Quran 2 (Juz 29) – Online	4	17
Jumlah Jam Kredit			96	
Jumlah Minggu Pertemuan				197

SINOPSIS MODUL STACKABLE SPECIALIST DIPLOMA IN QURAN TEACHING

TR201 Kemahiran Al-Quran (5 Kredit)

Modul ini akan membincangkan aspek yang lebih lanjut dalam perbincangan ilmu Tajwid seperti perbincangan sifat huruf, tingkatan *Qalqalah* dan *Ikhfa'*, *Idgham Kamil* dan *Naqis* dan yang sebagainya. Di samping menjelaskan kesan dan hubungkait di antara bunyi huruf dengan makna kalimah.

TR202 Pengenalan Ilmu Tarannum (3 Kredit)

Kursus ini membincangkan beberapa aspek teori penting yang berkaitan dengan tarannum seperti definisi ilmu tarannum, ilmu *sout* dan dalil suruhan tarannum, falsafah dan peranan tarannum, istilah-istilah penting dalam pembelajaran tarannum, *tobaqat* suara dan jenis-jenis suara dalam bacaan di samping memperkenalkan tokoh-tokoh tarannum yang terkenal. Para pelajar akan didedahkan kepada empat buah lagu tarannum iaitu Bayyati, Hijaz, Nahawand dan Jiharkah serta dilatih untuk terapkan secara praktikal pada ayat-ayat pilihan sekurang-kurangnya satu gaya bacaan dan juga mempelajari perbezaan di antara lagu-lagu tersebut.

PQ201 Metodologi Tafsir Al-Quran (5 Kredit)

Kursus ini membincangkan topik-topik utama dalam kajian metodologi tafsir al-Quran seperti pengertian tafsir dan takwil; jenis-jenis tafsir serta pendekatan bagi setiap jenis dan contoh-contohnya; biografi ulama-ulama tafsir; pengenalan kitab-kitab tafsir yang masyhur, tokoh-tokoh Mufassir kontemporari dan pendekatan tafsir mereka; ilmu Hermeneutika; karya-Karya tafsir Orientalis dan tokoh-tokohnya; kajian perkembangan ilmu tafsir di Singapura & Asia Tenggara dan isu-isu kontemporari berkaitan tafsir al-Quran.

PQ202 Ulum Al-Quran Lanjutan (5 Kredit)

Kursus ini membincangkan beberapa perbahasan utama dalam Ulum al-Quran yang terdiri dari takrif Ulum al-Quran; perbezaan Ulum al-Quran, ilmu Tafsir serta Usul Tafsir; maksud penurunan al-Quran dengan *Sab'ah Ahruf*; *al-Muhkam wal Mutasyabih* serta topik-topik berkaitan dengan *Nasikh & Mansukh* seperti pembahagian *al-Nasikh wal Mansukh*, lafaz-lafaz yang umum & khusus dan *al-Mutlaq wal Muqayyad*. Pelajar juga didedahkan kepada sejarah dan penyelewengan ilmu tafsir serta periwayatan Israiliyyat.

PQ203 I'jaz Al-Quran (4 Kredit)

Modul ini membincangkan sudut kemukjizatan al-Quran daripada pelbagai perspektif. *I'jaz Bayani*, *I'jaz al-'Ilmi* dan *I'jaz al-Tasyrie* merupakan antara pembahagian yang akan dibincangkan yang menyentuh aspek bahasa, ilmu sains modern dan perundangan. Kajian kemukjizatan al-Quran ini membantu pelajar meluaskan pemahaman sedia ada terhadap *Ulum al-Quran* yang menjadi asas kepada pembelajaran al-Quran.

TF201 Akhlak Dalam Al-Quran (4 Kredit)

Pelajar akan melihat kepada pendekatan al-Quran dalam membangun keperibadian jitu melalui ayat-ayat yang dikupas dengan pendekatan Tafsir Tarbawi. Pendekatan ini akan lebih fokus kepada pembangunan akhlak yang menjadi elemen penting dalam diri seorang muslim. Pembelajaran akan meneliti di antaranya penilaian kisah-kisah dalam al-Quran yang menjadi sumber utama dalam membentuk akhlak pada makna yang lebih luas.

TF202 Pendekatan Tafsir Maudui (4 Kredit)

Kursus ini membincangkan tema-tema utama yang disentuh dalam al-Quran dan berkait rapat dengan keperluan semasa seperti makanan, gender, kekeluargaan, kemasyarakatan, pendidikan, ekonomi, adab dan integriti, kemanusiaan dan kisah-kisah dalam al-Quran.

TF203 Tafsir Ayat Ahkam (4 Kredit)

Dalam modul ini pelajar akan mempelajari ayat-ayat yang bersangkutan dengan hukum-hakam atau secara spesifik ayat yang berkaitan dengan permasalahan Fiqh seperti menghadap Kiblat ketika solat, perkara baik yang dihalalkan dan diharamkan yang kotor, perihal puasa dan sebagainya.

AR201 Perumpamaan Dalam Al-Quran (4 Kredit)

Modul ini bertujuan untuk memperkenalkan para pelajar kepada ilmu balaghah dalam al-Quran yang mengupas makna-makna yang tersirat di sebalik kaedah-kaedah Nahu seperti *al-ma'rifah wal nakirah* (umum dan spesifik), *al-mufrad wal jama'* (tunggal dan berganda), *at-taqdim wat ta'khir* (yang didahulukan dan yang dikemudiankan), *at-taukid* (penguat) dan penghujung ayat.

AR202 Bahasa Arab Lanjutan (5 Kredit)

Modul ini akan membincangkan dengan lebih lanjut perbahasan dalam ilmu Nahu dan Saraf yang berkaitan dengan *al-Marfu'*, *al-Mansub*, *al-Majrur* dan *al-Majzum* dalam perbahasan *al-Afal* dan *al-Asma*. Pelajar juga akan diberikan sedikit pendedahan kepada aspek *al-I'jaz al-Bayaniy* (Mukjizat al-Quran pada bahasa).

KS201 Al-Quran dalam Era Semasa (5 Kredit)

Modul ini akan membincangkan permasalahan intelektual dan sosial dalam masyarakat dunia dan penyelesaiannya menurut al-Quran dan sunnah. Konsep-konsep asasi dalam al-Quran seperti tema Ibadah dan Hubungan dengan Tuhan; tema Adab, Akhlak dan Integriti; tema Wanita, Kekeluargaan, Masyarakat dan Kemanusiaan dan tema Pendidikan, Ekonomi dan Kerjaya dibincangkan agar mampu membentuk *World View* (Tasawwur) yang benar bagi seorang Mukmin yang hidup dalam zaman yang era semasa.

KS202 Ilmu Qiraat I (4 Kredit)

Kursus ini membincangkan topik-topik utama dalam pengenalan ilmu Qiraat iaitu pengenalan dan sejarah ilmu Qiraat, pengenalan biodata tujuh imam-imam Qiraat serta perawi-perawi mereka, perbincangan tentang usul bacaan mereka dan *Farsy al-Huruf* bagi surah-surah dan ayat-ayat pilihan.

KS203 Ilmu Qiraat 2 (4 Kredit)

Modul ini akan memperkenalkan pelajar kepada aspek-aspek Qiraat Tujuh yang Mutawatir dari segi tokoh-tokohnya, keadah/manhaj bacaan setiap imam dan perawi Qiraat tersebut. Di samping itu, modul ini akan memberi kefahaman kepada perkara seperti *Usul Qiraat* dan *Farsy al-Huruf* bagi setiap Qiraat pada surah-surah yang ditentukan.

KS204 Rasm Al-Mushaf: Kaedah Penulisan Mushaf (4 Kredit)

Kursus ini akan membincangkan mengenai sejarah penulisan al-Quran daripada zaman Rasulullah s.a.w hinggalah pembukuan al-Quran pada zaman Uthman ibn Affan, bila bermulanya penulisan *Rasm Uthmani* serta kaedah-kaedah yang digunapakai dalam penulisan Uthmani seperti *al-Hadhaf*, *al-Ziyadah*, *al-Hamz*, *al-Maqtu' wa al-Mausul*, *al-Ibdal* dan *Ma Fihī Qiraataan Fakataba 'Ala lhdahuma*. Para pelajar juga akan mempelajari perbezaan pendapat ulama terhadap penulisan Uthmani. Tambahan, mereka akan mempelajari perbandingan antara *Rasm Imlai* dengan *Rasm Uthmani* dan kepentingan penggunaan *Rasm Uthmani* hingga ke kini hari. Selain itu, para pelajar akan didedahkan kepada 2 tokoh besar dalam *Rasm* iaitu Abu Dawud dan Abu Amru ad-Dani serta menganalisa perbezaan dan persamaan pendapat antara mereka.

KS205 Dabt Al-Quran (4 Kredit)

Modul ini memperkenalkan kaedah penulisan tanda-tanda yang digunakan dalam Mushaf al-Quran. Penandaan ini bermula sejak zaman Saidina Ali dan berkembang sehingga ke zaman mutakhir ini. Selain itu, modul ini memberikan perhatian kepada kaedah mengenal pasti perbezaan di antara *Dabt al-Quran* dan *Rasm al-Quran*.

KP201 Pengajaran dan Pembelajaran Al-Quran Yang Efektif I (5 Kredit)

Modul ini akan membantu para pelajar dengan memberikan kemahiran praktikal apabila mengajar al-Quran. Perkara seperti teknik dan pendekatan efektif dalam mengajar al-Quran akan dibincangkan terutama dalam aspek motivasi dan Qudwah (*role model*) akan diberikan penekanan bagi seseorang yang mengajar al-Quran.

KP202 Pengajaran dan Pembelajaran Al-Quran Yang Efektif 2 (5 Kredit)

Modul ini akan membantu para pelajar mengetahui kemahiran teknik mengajar dan pengurusan bilik kuliah. Perkara seperti pedagogi, andragogi dan pendekatan efektif dalam mengajar al-Quran kepada pelajar yang mempunyai latarbelakang yang berbeza dari segi umur, pendidikan dan keupayaan.

KP203 Metodologi Penulisan Ilmiah (4 Kredit)

Modul ini akan melatih pelajar kemahiran menulis tugas ilmiah, esei, artikel dan menjawab kertas ujian dengan efektif. Pelajar di peringkat pos-menengah perlu meningkatkan kemahiran menulis dan membaca. Ia diharap agar mereka dapat menghasilkan bahan-bahan penulisan ilmiah sebagai persediaan untuk melanjutkan pengajian ke peringkat yang lebih tinggi. Pembimbing kursus terdiri daripada mereka yang mempunyai pengalaman menulis buku dan tesis ilmiah.

TT201 Talaqqi Musyafahah I (5 Kredit)

Pelajar berpeluang untuk memperbaiki bacaan al-Quran melalui kaedah *Talaqqi Musyafahah* secara berkumpulan dengan bimbingan guru yang mempunyai sanad al-Quran. Pelajar akan membaca sebanyak 2 Juz al-Quran bermula dari juz 29 dan 28. Pelajar juga akan diberikan pendedahan mengenai cara bacaan ayat – ayat gharibah iaitu bacaan Saktah, Imalah, Isyamam dan Raum.

TT201 Talaqqi Musyafahah 2 (5 Kredit)

Pelajar berpeluang untuk memperbaiki bacaan al-Quran melalui kaedah *Talaqqi Musyafahah* secara berkumpulan dengan bimbingan guru yang mempunyai sanad al-Quran. Pelajar akan membaca sebanyak 2 Juz al-Quran bermula dari juz 27 dan 26. Pelajar juga akan diberikan pendedahan mengenai cara bacaan ayat – ayat gharibah iaitu bacaan Naql, Tashil dan Badal.

TT203 Hafazan al-Quran I (4 Kredit)

Kursus ini memberi pendedahan kepada para pelajar untuk mempraktikkan ilmu yang telah dipelajari melalui hafalan surah-surah yang telah ditetapkan Juz 29 surah Al Mulq hingga surah Nuh.

TT204 Hafazan al-Quran 2 (4 Kredit)

Kursus ini memberi pendedahan kepada para pelajar untuk mempraktikkan ilmu yang telah dipelajari melalui hafalan surah-surah yang telah ditetapkan Juz 29 surah Al Jin hingga surah Al Mursalat.

MASA PEMBELAJARAN (*STUDY LOAD*) BAGI SUATU MODUL PENGAJIAN

Masa Pembelajaran Peringkat Diploma (118 jam/modul)

No.	Perkara	Jam Pembelajaran
1	Kuliah	30
2	Persediaan kuliah (<i>self learning</i>)	68
3	Ulang Kaji	20
	Jumlah	118

YURAN PROGRAM

1) *Stackable Specialist Diploma in Quran Teaching (SDQT)*

- a) Yuran Pendaftaran (Sekali sahaja) : \$50 (Tidak boleh dikembalikan)
- b) Yuran Penggajian (1 modul) : \$230 (Setiap Modul)
* Tiada pengembalian yuran kepada peserta yang tarik diri dari Modul pengajian .
- c) Yuran Peperiksaan (1 Subjek) : \$30
(Sekiranya pelajar ingin menduduki peperiksaan)
- d) Yuran ulangan modul : \$100

2) Bayaran Yuran Tambahan

- a) Yuran Cetak Semula Sijil* : \$25
- b) Yuran Cetak Semula Transkrip* : \$25

*Pelajar/graduan yang ingin meminta cetak semula sijil atau transkrip, mereka hanya boleh berbuat demikian di bawah mana-mana satu daripada sebab berikut:

- Sijil/transkrip hilang.
- Sijil/transkrip rosak. (Graduan mesti menyerahkan sijil asal yang rosak sebagai pertukaran dengan yang baharu selepas dikeluarkan)
- Penukaran nama (Graduan mesti menyediakan dokumen-dokumen yang relevan dan Kad Pengenalan/Pasport yang dikemas kini, menyerahkan sijil asal sebagai pertukaran dengan sijil baharu apabila dikeluarkan.)
- Pelajar Stackable yang tidak menduduki peperiksaan akan diberikan Sijil Penyertaan sahaja.
- Pelajar Stackable yang ingin menduduki peperiksaan perlu membuat pembayaran sebanyak \$30.
- Jika pelajar Stackable gagal dalam peperiksaan pertama, mereka dibenarkan untuk mengambil peperiksaan ulangan secara percuma sekali sahaja.
- Jika pelajar gagal dalam peperiksaan ulangan, mereka perlu menduduki semula modul tersebut untuk layak menduduki peperiksaan seterusnya.

JADUAL PENGAJIAN

Jadual Mingguan

	Hari	Masa
SDQT	Isnin & Khamis	6.30 ptg – 9.30 mlm

PENGANUGERAHAN SIJIL

Pelajar akan dianugerahkan sijil kehadiran bagi setiap modul yang telah diikuti.

SYARAT PENGANUGERAHAN SIJIL

Sijil akan dianugerahkan kepada pelajar yang telah memenuhi syarat-syarat berikut:

1. Menghadiri sekurang kurangnya 75 peratus kehadiran pada modul yang diikuti
2. Telah melunaskan semua yuran-yuran yang ditetapkan
3. Mematuhi peraturan dan undang-undang yang ditetapkan oleh Lembaga Akademik
4. Pengesahan dari Jabatan Akademik